

hans hofman zu rüthy an ainem, vnd die Erbern aman richter vnd gang gmaind daselbst zu rüthy anders tails ain langwiritig zit in Spänigen händeln gelegen, deßhalb Sy vff mich Sy darum ze entschaiden komen Sind, also hab ich baiden vorgemelten parthigen, tag gesezt vnd jnen den by guter zit verkönden lausen, als Sy och den gesucht verstanden vnd Sich vor mir als die gehorsamen ershaint, nemlich hans walser aman hans mattli thiepolt kobler vnd jacob büchel als vollmächtig anwält der hofslüten ze rüthy vnd Cristes hans in aigner person, dem nach ich Sy baiden Sit durch Clag vnd widerred och jr juggelegten kontschafft verstanden, vnd Sy jr ansprauchen vnd anligenden Sachen gnugsam verhört, alsdann Cristes hans Sin Clag vff zwen puncten gesezt nemlich So wärh jm vor jaren gegen genanten hofslüten erkent vnd gesprochen, das die Selben von rüthy jm Schuldig vnd bezalen Solten fünf pfund pfening Stuent jm noch den meren tail vff onbezalt, des er zu grossem Schaden mit nach jagen vögten vnd heren komen vmb dis alles er von jm wandel begertt Zum ander hetent vorgemelt von rüthy zu ziten etlich hofslüt lausen vff das gemain merch tungen vnd Sägen, So er nun wie ander hofslüt och getungt vnd Sägen welt habend Sy jm das verbotten, onbillich als er vermaint, des er och vmb Sinen huw Sampt der für bomen, och Sunst mercklichen Schaden gelitten vmb das er och vermaint Sy jm pflichtig vnd Schuldig wären abtrag ze tund nach billichen Sachen, wider das vorgemelt von rüthy reden liesen, wen Sig das Sy Cristes hansen fünf pfund pfening Schuldig gewesen, Daran Sy jm gelt geben, vnd zum tail verstosen haben damit er Sölicher Sum gelt bezalt worden, als er denn hett lausen reden wie Sy ander haben lausen tungen vnd Sägen vff die gmaind vnd jm verbetten, wär in jrem wissen nit, nünt deßer minder wo er